

Ured supervizora podržava suspendiranje tri javna djelatnika

Ured supervizora za Brčko izražava zadovoljstvo i podržava gradonačelnika Brčkog, Sinišu Kisića, koji je juče suspendirao sa dužnosti Suada Mašića, Slađanu Mitrović i Delilu Kurtagić. Ovi javni djelatnici su zloupotrijebili svoj položaj i optuženi su za ozbiljna kaznena djela. Javno tužiteljstvo Brčko Distrikta podiglo je optužnice protiv sva tri djelatnika.

Gospodin Mašić je optužen za fizički napad na predsjednika Osnovnog suda, a gospođa Mitrović i gospođa Kurtagić su optužene za falsificiranje službenih dokumenata.

Javni djelatnici su odgovorni građanima i od njih se očekuje da rade sukladno visokim standardima u smislu efikasnosti, integriteta i posvećenosti da služe građanima koji izdvajaju za njihove plaće. U javnoj administraciji nema mjesta za djelatnike koji krše zakon. Oni ne samo da čine kaznena djela već i izigravaju povjerenje građana.

Ova tri djelatnika su suspendirana sukladno sa Odlukom o disciplinskoj i materijalnoj odgovornosti djelatnika u organima Brčko Distrikta BiH.